

命推之此非予乘怒而然也嘗聞物論諸君駙馬之失多以為
自上不教而然也大抵予一家之事雖小失尚可戒之況如此
大事不可不推論也平時所行若不歷舉而並推則恐朝廷疑
予因一事之讒間而然也故並論之豐加推考傳旨以致大故
之言非為此入而推之乃指義貞之失也此婢如非關主之罪
則已治義貞似不足推也然其源出於此婢使義貞家道紊亂
以婢凌主所係關重凡士大夫之家若有如此之變則法司猶
當推之况自上詳知一家之事而不推可乎○申時日戴抱兩
耳夜良方有氣如火○丙午傳于政院曰昨觀劄子大槩答之
矣外間不得詳知此事之實故以為予乘一時之怒而致然也
義貞家禍非一朝一夕也翁主自解姓之後食飲氣候如常及
其不淑之日飲羹而小便仍仆不起不省人事因此遂至不救
青色遍體似為荒唐故予不勝驚駭於傳旨草有事狀荒唐之
語更思之當即檢驗以起大獄非徒不詳之甚他無顯發之事
而遽以此推之於人聽尤駭故只推其已著之狀也且豐加雖